

Roberto Geerman ta celebra 25 aña habriendo aña cu su oyentenan



ORANJESTAD (AAN): Na aña 1979 e idea di transmiti e Conteo di fin di aña, no tabata den mente di Roberto "A" Geerman. Apenas e tabatin 9 luna tra-

hando na Radio Antillana (Radio 1270 AM), ora gerencia di e emisora a pidi é pa haci e programa.

Roberto no a duda y meso-ra el a acepta.

E motibo principal tabata cu e cambio di e aña anterior tabata hopi fastioso pé.

Na 1978 Roberto a perde un ruman muher, cu a fayece na edad di apenas 15 aña. For di 1979 te cu 1984, Roberto a haci e programa aki via di Radio Anillana y pa despues siguié via di Canal 90 FM te cu aña 2000, esta 16 aña consecutivo.

For di 2001 Roberto "A"

Geerman a sigui e conteo di Fin di aña atravez di Radio Galactica 99.9 FM esta G-FM.

E programa aki a bira un tradicion di e famia arubano.

Loke ta resalta di e programa aki, ta cu Roberto "A" Geerman conose masha hopi hende y ta reconose hopi esnan cu ta yame.

"Conteo di Fin di Anja" ta pone esnan lew di nan famia, sea trahando, bibando o studiando den exterior, drenta den contacto cu nan ser keri pa medio di e programa.

Tur aña tin yamada di tur

skina di Aruba, demostrando e sintonia grandi di e programa.

Pa ultimo 2 aña, Roberto a hinca algo mas den e programa. Prome cu tur cos e programa aki ta cuminsa 31 December 2003 pa 10:00 p.m. y ta caba 2:00 a.m. dia 1 di Januari 2004.

Tur esnan cu tin famia den exterior, sea unda cu ta, por yama 588-2534 te cu 30 December y duna e nomber di persona (nan), y e number di telefoon y e pais unda e (nan) ta biba.

Roberto lo yamé y combersa cuné y lague desea su famia e mihor pa e aña nobo. Pa e aña aki tambe lo tin e "Prediccionnan pa 2004" door di e astrologo Rafi Elizabeth. Hopi a purba di haci e programa aki, pero na Aruba, Antiyas y e region di Caribe, Roberto ta e prome pa bay yega 25 aña consecutivo presentando "Conteo di Fin di Anja".

E aña aki e "Conteo di Fin di Anja" lo cuminsa pa 8:00 AM y Roberto lo ta regalando premionan na cantidad. Entre otro por menciona cu na cada 25 minuut lo regala 25 Florin.

E aña aki tambe lo haci e "Conteo di Fin di Anja" pa tur arubano na Hulanda. Esaki lo ta for 6:00 PM cu ta 11:00 PM na Hulanda.

Tur esnan den exterior por sigui henter e programacion aki via internet na: www.galactica999fm.com. Un deseo grandi di Roberto "A" Geerman ta pa otro radio emisoranan bay den cadena for di 11:00 p.m. pa 01:00 a.m., pa celebra su 25 aña cu e ta dedica na sera un aña y habri otro lew di su famia.

De facto e aña aki e grupo Arubano ALMA FOLKLORICO bou direccion di Robert Maduro a dedica un cancion na honor di e personahe radial Arubano Roberto Geerman.

Let's go Latin! Café BRASSERIE

E combinacion perfecto pa bo ocasion special!



Manera:

- Cena di Pasco
- Celebracion di compania
- Cumpleaños
- Aniversario

Disfruta di un 'all you can eat' buffet incluyendo mitar boter di biña y e mihor show na Aruba 'Let's go Latin!' pa solamente **\$35 pa persona (prijs normal \$50)**.

Ademas ricibi:

- un Let's go Latin! "live" CD
- un carchi di descuento pa Seaport Mall & Marketplace
- un regalo sorpresa na Crystal Casino



Reservacion AWE MES na 523-6091 of 523-6126
 of via e-mail na smendes@crystalcasinos.aw / avleeming@metacorp.aw

Situa den curason di playa, na



Aruba Renaissance Beach Resort & Crystal Casino

**TELEFONNAN
DI DIARIO
582-6747
FAX
582-8551**